



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

González Téllez, Emanuel

Francofurti Ad Moenum, 1690

Caput VIII. Idem (a) Tiberiad. Episcopo.

[urn:nbn:de:hbz:466:1-74533](#)

infidellum conjugum ad fidem catholicam convertatur, altero vel nullo modo, vel saltem sine blasphemia divini nominis, vel ut cum pertrahat ad (d) mortale peccatum, ei cohabitare volente, qui relinquitur, ad secunda, si voluerit, vota transibit; & in hoc casu intelligimus quod ait Apostolus, si infidelis discedit, discedat: frater enim vel soror non est servituti subiectus in hujusmodi: & canonem etiam, in quo dicitur, quod contumelia Creatoris solvit jus matrimonii circa eum, qui relinquitur. Si vero alter fidelium conjugum, vel labatur in haeresim, vel transeat ad Gentilitatis errorem, non credimus, quod in hoc casu is, qui relinquitur, vivente altero possit ad secundas nuptias (e) convolare, licet in hoc casu major appareat contumelia Creatoris: nam et si matrimonium sit verum quod inter infideles existat, non est tamen ratum: inter fideles autem verum quidem, & ratum existit; quia sacramentum fidei, quod semel admissum nunquam amittitur, ratum efficit conjugii sacramentum, ut ipsum in conjugibus illo-durante perduret. Nec obstat, quod a quibusdam forsitan objicitur, quod fidelis relictus non debeat jure suo sine culpa privari, cum in multis casibus hoc contingat, ut si alter conjugum incidatur. Per hanc responsionem quorundam malitiae obviatur, qui in odium conjugum, vel quando sibi invicem dispercerent, si eas posset in tali casu dimittere, simularent haeresim, ubi ab ipsa nubentibus conjugibus resilirent. Per hanc ipsam responsionem illa dissolvitur quæstio, quæ queritur, utrum ad eum, qui ab haeresi, vel infidelitate revertitur, is qui permansit in fide, redire cogatur. Datum Lateran. Cal. Maij.

N O T A.

1. (a) **Ferrariensi.**] Ita etiam legitur in tertia collectione, sub hoc titul. cap. i. & in epistolis Innocentii editis à Sireto, fol. 303. ex quo registro ita restituo litteram hujus textus. De Ferrarensi diocesi egi in cap. 9. de constitut.
 2. (b) **Quidam predecessorum.**] In hac sexta collectione legitur, predecessor noster, & Glossa exponit Cœlestinum III. in cap. i. de conversi infidel. prout extat textus ille in secunda collectione. Cujac. in praesenti interpretatur Urbanum III. in cap. de illa, hoc titul. Sed utraque sententia admitti potest, juxta praesentem litteram: non autem Cœlestinus, & Urbanus ex Cathedra diffiniendo assuerunt, catholicum ob haeresim conjugis non teneri cum eo cohabitare, immo cum alio nuptias celebrare posse; sed tantum ut DD. privati id assuerunt, ut constat ex illis verbis Cœlestini: Non enim videtur nobis, quod si prior maritus redeat. Et Urbani in d. cap. de illa, ibi: Dicimus compellendum. Unde cum tanquam Doctores privati id docuerint tempore, quo non erat ab Ecclesia diffinitum, propter haeresim non
- fieri divortium quoad vinculum, non potest dici eos errasse, ut nimis audenter dixit Castro lib. i. contra heres, cap. 4. & ita Innocentius ab eotum recessis sententia in praesenti, & definitum fuit per Trident. sess. 24. de matrim. can. 5. docuerunt, & ita contrarias has sententias Cœlestini, Urbani, & Innocentii exposuerunt Canis lib. 6. de loc. cap. 8. ad 3. Bellarmine lib. 4. de Romano Pontific. cap. 12. Suarez de leg. lib. 4. cap. 14. num. ii. Casar de Eccles. hierarch. disp. II. §. 4. num. ii. Fragolo de regimine christ. reipub. 2. p. lib. I. §. 3. num. 26. Barb. in praesenti, Franciscus Valens in concord. 2. p. sect. 4. fol. 136. Ant. Perez in pentateuch. fid. volum. 4. de Pontif. cap. 3. num. 81. Maceco de clav. Perril. 4. de matrim. cap. 2.
- (c) **Convertatur.**] Quem calum exposui in can. 10. Concil. Illiber. & explicat late Balboa in cap. gaudemus, hoc titul. 2. p. per tot.
- (d) **Mortale peccatum.**] Juxta tradita supra, in c. 2.
- (e) **Convolare.**] Quia per haeresim non dissolvitur matrimonium quoad vinculum, cap. de illa, hoc tit. ubi probavi.

C A P U T V I I I.

Idem (a) Tiberiad. Episcopo.

GAudemus in Domino, & in potentia virtutis ipsius: & Patri Inminum, a quo est Gomne datum optimum, & omne donum perfectum, uberes gratiarum exsolviimus actiones, quod siue nobis tuis litteris intimasti, diebus istis novissimis, qui non vult mortem peccatoris, sed ut convertatur & vivat, ut da Christianam fidem venirent, multorum paganorum cordibus inspiravit: & quoniam uxores acceperant (b) in secundo, vel tertio, vel ulteriori gradu sibi conjunctas, utrum sic conjuncti debeat post conversionem suam insimul remanere, vel ab invicem separari, edoceri per scriptum Apostolicum postulasti. Super quo fraternitati tuæ taliter respondemus quod cum sacramentum conjugii apud fideles (c) & infideles existat, quemadmodum ostendit Apostolus dicens: Si quis frater infidelem habet uxorem, & haec consentit habitare cum eo, non illam dimittat: & in præmissis gradibus a paganis quoad eos licet sit contratum, qui constitutionibus canonicis non arctantur; quid enim ad nos, secundum eundem Apostolum, de iis qui foris sunt, judicare? in favorem præsertim Christianæ Religionis, & fidei, a cuius perceptione per uxores se deserit timentes, viri possent

facile revocari: fideles hujusmodi matrimonialiter copulati liberè possunt, & licet remanere conjugēti, cūm per sacramentum Baptismi non solvantur conjugia, sed crimina dimittantur. Et quoniam pagani circa plures foeminas insimul affectum dividunt conjugalem, utrum post conversionem omnes, vel quam ex omnibus retinere valcant, nōn immerit dubitatur. Quia (d) verò tam Patriarchæ, quām alii viri justi, ante legem pariter, & post legem multas uxores simul habuisse leguntur, nec contrarium appetat in Evangelio, vel lege præceptum, neque pagani subjiciuntur canonici institutis post inventis, quemadmodum est præmissum, videtur quod & nunc juxta ritum suum licet contrahant cum diversis, quorum conjunctiones legitimas unda sacri baptismatis non dissolvit; & ita Patriarcharum exemplo ad fidem Christi pagani conversi conjugiorum pluralitate gaudebunt. Verum absonum hoc videtur, & inimicum fidei christianæ, cūm ab initio una costa in unam foeminam sit conversa, & scriptura divina testetur, quod propter hoc relinquet homo patrem & matrem, & adhæredit uxori sue, & erunt duo in carne una: non dixit tres, vel plures, sed duo: nec dixit, adhæredit uxoribus, sed uxori. Unde Lamech, qui plures legitur habuisse uxores, reprehenditur in scripturis, eo quod primus reprobandam bigamie speciem introduxit. Licet autem de his non quasieris, volentes tamen tam te, quam alios super his etiam reddere certiores, eo quod veritas prævaleat falsitati, sine dubitatione qualibet protestamur, quod nulli unquam licuerit insimul plures uxores habere, nisi cui fuit divinâ revelatione concessum: qui mos quandoque interdum etiam fas censetur: per quem sicut (e) Jacob à mendacio, Istrælitæ à furto, Samson ab homicidio, sic & illi ab adulterio excusantur. Sanè hæc juridicæ sententia probatur etiam testimonio veritatis in Evangelio testantis, quicumque dimiserit uxorem suam, nisi ob causam fornicationis, & aliam duxerit, moechatur. Si ergo uxore dimissâ, duci & alia de jure non potest, fortius etiam ipsâ retentâ: per quod evidenter appetat, pluralitatem in utroque sexu, cūm non ad imparia judicentur, circa matrimonium reprobandam. Qui verò (f) secundum ritum suum legitimam repudiavit uxorem, cūm tale repudium veritas in Evangelio reprobaverit, nunquam cā vivente licet poterit aliam, etiam ad fidem Christi conversus habere, nisi post conversionem ipsius illa renuat habitare cum ipso; aut etiam si consentiat, non tamen absque contumelia Creatoris, vel ut eum pertrahat ad mortale peccatum: in quo casu, restitutio nem petenti, quamvis de justa spoliatione constaret, restitutio negaretur; quia secundum Apostolum, frater, aut soror non est in hujusmodi subjectus servituti. Quod si conversum ad fidem & illa conversa sequatur, antequam propter causas prædictas legitimam ille ducat uxorem, eam recipere compellitur. Et quamvis secundum Evangelicam veritatem, qui duxerit dimissam, moechatur; non tamen dimissor poterit objicere fornicationem dimissæ, pro eo quod nupserit alii post repudium, nisi alias fuerit fornicata.

NOTÆ.

1. (a) *Tiberiadæ.*] Ita etiam legitur in tertia collectione, sub hoc tit. cap. 2, ex qua textum hunc restituo, & in cap. gaudemus, qui filii sint legitimi, ubi extat alia pars, ut ibi notavi.
2. (b) *Secundo.*] Non idem decrevit de primo transversali gradu Innocentius, quia consultus de eo non fuerat; non quia gradus ille à jure naturali sit prohibitus, ut jam notavi in cap. 5. de consanguinitate, & affinitate, & docet Diana p. 8. tract. 1. resol. 68.
3. (c) *Fideles & infideles.*] Diversimodè tamen; nam apud fideles est sacramentum, apud infide-

les est matrimonium tantum ratum, ut exposui in cap. de infidelibus, de consanguinitate, & affinitate, ubi hujus partis commentarium dedi.

(d) *Quia verò.*] Hanc secundam partem de polygamia, & polyviria tractavi in cap. 3. de sponsa duorum.

(e) *Jacob à mendacio.*] Explicit Arniseus 2. p. relat. cap. 2. sect. 8. num. 20.

(f) *Quia vero secundum.*] Hanc textus partem exposui in cap. 1. hoc titul. & perdoctam reflectionem ad hunc textum terripit Balboa, plura que de coniugii infidelium congesit Fragofo de regim. Christ. Reipub. p. 3. diffut. 22. per tot.

CAPUT FINALE.

(a) *Idem Livon. Episcopo, & eis, qui cum ipso sunt fratribus.*

Deus qui Ecclesiam suam, &c. *Et infra:* Quia verò in matrimonii contrahendis dispar est titulus Livon. de novo ad fidem catholicam conversorum à nostro, cūm in consanguinitate, vel affinitate distinctionem canonicanam non attendant, & relietas fratrum indistinctè sibi consueverint copulare: ne propter hoc à bono proposito retrahantur, cūm nec quidam eorum voluerint credere, nisi relietas fratrum eos (b) paternini retinere, nec vos eos nisi tales dimitterent, recipere volueritis ad baptisma: propter novi-